



00
Sta

00
W

P. g. 9

Theol.

III. C. 25.

Theologie

P. VI. 524-599

M

Auslegung!

Desz Sibentzehenden Capitelz/
desz Propheten Ezechiels.

Item!

Ein anweisung zum verstand
der Propheten.

Item!

Ein Auslegung Zwayer Sprüch Pauli/
Als zün Galatern am fünfften/
Vnd/
Zün Hebreern am Dritten Cap.

C. S.

Zum Leser.

Christlicher Leser / alhie wirst du
nacheinander Drey schöne liebliche Send
briefe finden / besondern Gotföchtigen personen /
inn verschinen Jaren / diser gnadenreichen zeit /
zügeschriben / Deren inhalt / in den obgeschrib
nen Tittlen ist begriffen / Vnd damit diesel
ben auch andern mögen nüzlich zutail werden /
So seind sie / durch gütherzige menschen inn
Truck gefürdert worden / Die lass dir mit fleiß
zülesen befolhen sein / Es wirdt dich nicht ge
reüwen / das sollt du im werckh erfahren.

Der Herr Christus wölle dir vnd vns
allen / den verstand eröffnen / vnd
seinen Segen dartzü geben /

A M E N.

Auszlegung des Sibentzehend Capit.
des Propheten Ezechiels:

Ist ain Propheceyung/vom Abfall der Glider/
der eüsserlichen gemainen Kirchen Christi/
zum Antichrist/xc.

Wrd des Herrn wort geschach
zü mir/vñ sprach: Du menschen kind/
Lege dem Haus Israel ain Redzel
für/vnd ain gleichnus/vnnd sprich: So spricht
der Herr / Ein grosser Adler/mit grossen flügeln
vnd langen Fittichen/vnd vol federn/vnd bund/
kam auf Libanon/vnnd nam die Zweige von den
Sedern/vnd brach den obersten Zweige ab/vnnd
füret den inns Kremerland / Vnnd setz in/inn
die Statt / da man handelt. Er nam auch Sa-
men auß demselbigen Land / vnd seet in/in das
selb gut Land/da vil wassers ist / vnd machet in
zum Wächter/ Vnnd er wüchs/vnnd ward ain
grosser Weinstock/doch niders Stammes: Dañ
seine Reben bogen sich nider/gegen seinen Wur-
zeln / Vnnd war also ain Weinstock/der Reben
kriegt vnd Bletter.

Vnnd da war ain anderer grosser Adler/mit
grossen flügeln vnd vilen Federn/vnnd sihe/der

Weinstock hatte verlangen an seinen Wurzeln
zu diesem Adler/ Vnnd streckt seine Reben auß / ge-
gen im / das Er gewessert wurde von seinen Fur-
chen / vnnd war doch auff einn güten boden / an
vil wasser gepflanzet / das er wol hette können
Zweig püngen / Frucht tragen / vnnd ein grosser
Weinstock werden.

So sprich nun: Also sagt der Herr Herr: Solt
der geraten? Ja / man wirdt seine Wurzeln auß-
rotten / vnnd seine Frucht abreißen / vnnd wirdt
alle seine gewachene Reben vertrocknen / das sie
verdorren / Vnnd wirdt nicht geschehen durch
grossen Arm / noch vil Volcks / Auf das man in
von seinen Reben wegsüre. Sihe / Er ist zwar
gepflanzet / Aber sollt er geraten? Ja / So bald
in der Ostwind rüren wirdt / wirt er verdorren
auf seinen furchen / etc.

Das die welt ein ander grosser stolz mit
grossen zügeln und zügeln und hie der
24

Geistliche Auslegung

des Propheten/

Von den Zwayen Adlern.

Ader dem namen der grossen zwayen Adlern/wirt vns nach dem Historischen sinn/auch in einer gegensatzung/der allmechtige Gott vnd der böse Geist/Oder Christus vnd der Antichrist / fürgetragen vnd figurirt: Dann wie Gott vnd vnser Herr Christus mit seiner straff vnd gnaden/ nach vnsern thaten oder wercken/schnelle gegenwertig ist / alles siber vnd richtet/auch lange/grosse Flügel hat/die Er über sein Himmlisches Reich vnd alle außerselten mit wolthat außbraittet (welchs Adlers püntichte federn oder Sittiche/ mancherlay gaben der gnaden Gottes im hailigen gait bedeüten.)

Also dagegen/schwingeret vnd braittet der Sathan der grosse Fürst vnd Got diser Welt / auch seine Sittiche auß/über sein Helligsch Reich: Er füret seine jungen auß/schaden zu thün: Von welchen Proverbiorū am 30. steet geschriben/Daß sie des aug sollen fressen/der den vatter verspottet/vnd verachtet der mütter zu gehorchen. Solche Adler seind die gaister der böshait vnd Regenten der finsternus diser Welt/Ziehen mit grossen hauffen von ferrem daher als flugen sie / wie die Adler eylen züm aass/kümmen alle sampt/das sie schaden thün: Habacuck am 1.

Christus der
Himmelsch
Adler.

Christus ist d
vater d ewig
kait/Das him
lisch Jerusale
vnd die gnad
vnser mütter.
Er füret auch
seine Jungen
aus/ in gnad
vnd barmherz
igkeit.

Lucifer mit
seinen En-
geln

Von den vn-
rainen vögeln
nicht essen: Le-
uitici 11: heist
den eingebun-
gen des bösen
gaists nicht ge-
hören.

Zweig.

paradeis / ist
das gelobte lan-
de gewesen.

Adam wuchs
auch/dz er pro-
pheteyete/wie
wol es nicht
langt weeret:
Darnach wuch-
se die Sinago-
ga des Abrahe-
Samen vñ die
christlich Kirch
am aller mai-
sten/zur zeit d
Aposteln/2c.

Itē die Bücher
auf die Luth. im an-
fang der offen-
barung des
Euangelij.

Weinstock.

Das seind auch die Engeln des grossen Adlers/wel-
cher über die hohen wolcken wolt fliegen/Sein nest in
den Tron Gottes setzen/vnd dem aller höchsten gleich
sein: Esaie 14. Damit denn wirdt bewert/das auch
der Teüfel vnd Antichrist mit seinen fliegenden Sai-
stern/offt ainem Adler vnd vnrainen Vogel wirdt
vergleicht. Das aber Gott vnd vnser Herr Christus
auch durch ainem Adler wirdt abbildet / ist offenbar/
Exodi 19: Ezechiel. 1: Dsee 8: Apocal. 12. vnd an-
derstwa an vil orten/2c.

Durch den Zweig aber / welchen der erste grosse
Adler von den Federn nam/2c. wirt bedeutet am erst
das Jüdisch Volckh/oder auch der erste Adam die
Edelste irdische Creatur Gottes/welchen Got zu sei-
nem Bild/nach seiner gleichnus hat geschaffen/Nach
der schöpfung inns Paradeis gesetzt/So wol als die
Juden hernach hinein/das ist inns gelobte Land/ge-
setzt worden: Vñnd der Zweig wuchs/vñnd ward ain
grosser Weinstock/doch niders Stammes/2c. Welchs
alles in der warheit endlich auf die Christlich Kirche
weist/ die vñnderm Creütz Christi/ in der niderkeit/
soll wandeln auf der welt: Aber vor Got wachsen vñ
herrlich sein: Weil auch solchs geschach/überkam der
Weinstock Reben vnd bletter: Das haist nun den
Zweig in das Romerlandt gesetzt/vnd in die Statt
da man handelt/Nemlich/in die gemain Gottes/Da
man mit seinen Götlichen gaben hantieret / vnd dem
Herrn mit dem empfangnen Talent solle wüchern/
wie im Euangelio steet / Matthei 25.

Nun hett aber der nider Weinstock/ das ist in der
figur das Jüdische Volckh / welchs auch ain Volck
Gottes war/vñnd hernach die Kirche/wie es vor den
menschen mit jr in der welt steet/verlangen an seinen
wurzeln/

wurzeln/nach der höhe der welt: Das flaisch begunde
sie/die Kirche/zu vberwinden/ Vnd stretchte seine Re-
ben auß/ zu dem andern grossen Adler / Das ist/ zum
Sathan vnnnd Antichrist/ der ain Gott der welt ist.
Gleich wie dort das Sigürliche volck Gottes die Ju-
den/ von Gott abtrünnig worden/ seine Gepot nicht
gehallten/schutz vnd schirm anderswo/vnd nicht bey
Got irem Herrn suchte: Also ist in der Kirchen auch
ergangen: da wolt der Weinstock von seinen furchen
vnd von dem fliefs des zeitlichen schirms/schutz/Güt-
tern/pracht/Er/gelt/ꝛc. gewessert/vnd one den Her-
ren mit erbawet werden/ So er doch auf ainen güten
boden/auf den Herrn Christum / auf den Erzwein-
stock aller lieblichen feüchtigkeit vnd gewechses/züvor
war gegründet / vnnnd an vil wasser der gnaden ge-
pflanzet/das es im gar an nichts sollte mangeln: Da
er auch wol hett können zweige pringen/ frucht tra-
gen/vnnnd ain bestendiger/grosser/herrlicher Wein-
stock werden vor den augen Gottes.

Aber der ander grosse Adler/ward im mit der welt
Güter/da er yetzt sein Nest innen hat/vil lieber/ ꝛc.
Er gesellet sich zu im/das er in wesserte/das er in mit
seinen Sittichen deckte/im güten schatten/frid/freüd
vnd rüwe gebe/ vnnnd mit allerlay ergezung versor-
gete/ ꝛc. Da/da (sprich ich) keret sich der Weinstock
hin/verbindet sich mit der Welt/mit dem König von
Egypten/sücht seine Schutzherrn/Vögte/häupter/
verthediger/vnnnd achtet des Herrn nicht/der in ge-
pflanzet hat/ Stretcht seine Reben/das ist daas/was
da frucht sollte pringen / Sein gewechs/wort vnnnd
werck/ alles nach des andern Adlers gefallen/ꝛc.
Drumb so sagt der Herre Herre: Solt der Weinstock
geraten? Ja/man wirdt seine Wurzeln aufrotten/
vnd seine

Die christliche
Kirch/ wie es
vor Gott mit
ir steet/ bleibt
ewig mit iren
gliedern: Jo. 6
10. 2c.
Abfal der
Kirchen.

Der anfang ist
kostlich gewes-
sen / auch der
fortgang zur
zeit der Apo-
steln.

In Christo/
findet man als
ler dingē volle
gnüged.

Māmon in-
igratis. Lu. 16

Also versucht
auch d Teufel
Christū selbs/
do er im alle
reich der welt
zaigt vñ sprach
Das alles will
ich dir geben/
so du niederfel-
lest/vnd mich
anbettest.

Brachiū seu.
Sehet wie der
Satan vñ An-
tichrist mit den

Messen/Sacra-
menten/Cere-
monien vñ al-
lein eüsserlich-
en gottes dien-
ste / offte hand-
tieret / vnd vil
Aberglauben
darbey anrich-
tet.

Vom Stand
der Kirchñ/in
den letzten zei-
ten: besihe die
propheten.

Christus ist d
pundt des her-
ren: Pactum,
Besihe Esa. 8

Ein Verstar-
rer wider den
andern.
Egypten/
ist die Welt.

vnd seine Früchte abreißen / vñnd wirdt alle seine ge-
wachsene Reben vertrucknen / daß sie verdorren / vñnd
wirdt nicht geschehen durch grossen Arm vñnd vil
volcks / Auf das man in von seinen Reben wegfüre.

Sihe / ob nicht die erfüllung nun solchs alles auß-
legt augenscheinlich : Am ersten / mit dem Pabstum /
Also wirdts bald gemacht auch geen mit allen andern
Secten / die sich nach irem güten anfang vom Herrn
Christo der warhait / auf eüsserliche ding vñnd selbst
angenommen Religion / abwendent / die den ainfelti-
gen gaist Jesu Christi verachten / Sich auf ire kreffte
verlassen / Die auf ire kunst vñnd weisheit bawen oder
trawen / außser dem gange der gnade des Herrn han-
tieren / vñnd sich zum andern grossen Adler gesellen /
wider die warhait Concordieren / vñnd wider den Her-
ren der sie erkauft hat / Bündnus machen / schutz
vñnd schirm süchen / zc.

Man sihet auch / wie dises Weinstocks früchte yetzt
verdorren / vñnd wenig Götlicher krafft haben / ja kain
nuz sein. Nun spricht der Prophet / Das nicht durch
grossen Arm / nicht durch Höres krafft vñnd stercke
noch Waffen / auch nicht durch vil Volck (O Herre /
Kün zu hilff deinem Klainen verachten heüßlin.)
soll diser menschliche verwilderte Weinstock vnder-
geen / Sonder so bald in der Ostwind rüren wirdt /
wirdt er verdorren auf seinen furchen / vñnd nimmer
da sein : Auch der / sage ich / von welchem geschriben
steet : Ein verechter komet wider den andern / Ein ver-
störer wider den andern / Esaie 21. Es ist der Wein-
stock / den Gott anfenglich auß Egypten geholet /
vñnd in hat lassen einwurzeln / daß er das Land er-
füllet hat : Psal. 80. Do Gott aber warttet / daß er
trauben

Trauben brechte/bracht er wilde trauben: Er wartet auff gewechse/sihe/so ist kains da/Auffs gericht/sihe/so ist vnrichtigkeit/Auf gerechtigkeit/sihe/so ist geschrey oder klage: Esaie 5.

Er/diser Weinstock/ist vndanckbar Gotte seinem Pflanger/bricht den Bundt des Herrn/verachtet seinen Aid/felt von erkandter warhait/Er macht mit dem Antichrist sein verbündnus/legt sich wider den Herrn der Herrlichkeit/der in anfenglich gepflantz vnd inns Kramerland/in die Stat/da man handelt vnd dem Herrn vil gewins bringet/willigklich gesetzt hat/Was sollt wol anders drauf volgen/dann die straff Gottes des Herrn/das er gen Babel/das ist/in allerlay gaisliche Cöfusion/zerstörung/verwirrung/verwüstung/finsternuß/vnwissenhait vnd verachtung plögklich gestürzt werde/Vnd alle flüchtige/die im anhangen/das seind die Stern/so des roten Tracken schwanz vom Himmel zeücht/vnd würfft sie auf die erden/Die Lerer main ich/so vom gaislichen Regierenden Christo aberünnig werden/vnd sich selbst/mit außspendung der vermainten himlischen Güter/an Christi vnd des heiligen geists stat/inns Regiment setzen/ja die sich zu des Antichrists hauffen nun gesellen.

Solche sollen durchs Schwerdt (des gaissts vnd worts Gottes im aufgeenden seligmachenden erkantnus Christi) fallen/zu spott vnd zu schanden werden/Vnd jr vbrigs/das ist/was nach irer menschlichen macht der natürlichen gaben/Als weißhait/Kunst/Sprachen/verstand/Büchstab/Schrift/bracht/vnd was dergleichen ist/das soll von inn genommen werden/Sie sollen in alle wind zerstreuet werden/vnd gleich wie der staub schnell vergeen/Ja der brennend

B

Nicht Christ
vnd seine war
hait zuerthe
dign/Sonder
iren eigenen
Müthwillen/
pracht vñ eer/
vnderm namē
Christi/zuer
halten/bey der
welte.

Apocal. 8.
Babel hat sich
heit weit auß
gestreckt.

Himmel stern/
seind die pre
diger.

Spūs Iudici. wind / das ist / der Richtende Geist des Herrn / wurde eilends ire frucht vollend außrücknen vnd verzeren / das auch die bletter wegt fallen sollen.

In alle wind zerstrewt werden.

Dann in alle wind zerstrewt werden / ist nichts anders / dann ganz vndergeen vnd zu eytel nichts werden: Davon der Herr Esaie 41. von den falschen Propheten sagt: Ich sehe vnder sie / Aber da ist kein Ratgeber: Ich frage sie / aber da antworten sie nicht / Sihe / es ist alles eytel mühe / vñ nichts mit irem thün: Ire Götter (darauf sie nemlich trawen vnd bawen)

Ire Götter / verközen sie behend / wie der wind.

seind wind vnd eittel: Vnd im 57 Capitel / Der wind wirdt sie alle wegt führen / vñd eytelkeit wirdt sie wegkneimen / Aber wer auf mich trawet / der wirdt das Land erben / vñd den hailigen berg besizen / spricht der Herr.

Also tröwet Gott allen denen / so von im zu rucke közen / sich zum Antichrist gesellen / vnd vom lebendigen Regierenden Christo / auf die Creaturen vnd Sacramentliche Jaichen mit vertrawen abfallen / Also / das sie vergebung der sünd (Ex opere operato.) vñd ire seligkeit darbey süchen / Zünorab tröwet er denen / die solchs leren / vñd zum abfaal von Christo / der im heiligen geist Regiert / ainigerlay vrsach geben: Sie säen wind / spricht der Prophet Dseas / drum so werden sie vngewitter einerndten / das ist / sie geen mit lären wortten vnd Jaichen / one gnad / one krafft vnd gaist vmb.

Das Wort.

1. Cor 4.

Das reich Gottes / steet nicht inn wortten / Sonder / c.

Frucht vnd art / der vnnütigen Lerer.

All jr ding / haissen sie / das Wort / das wort / Ja es muß alles Gottes wort vñd der Tempel des Herrn sein / so es doch nichts dann ain vnkrefftig menschen wort vnd eytel wind ist / Drum werden sie vngewitter einerndten / Ir säet soll nicht aufkommen / vñd ir gewechs kein Meel geben.

Es ist

Es ist niemands/ der von Göttlicher gerechtigkeit
(recht) lere/noch in der warhait recht richte/ Keiner
ist/den seine sünde rewen/ dem seine böshait laid sey/
Sie vertrauen auffss eyttel/vnd reden nichts tüchti-
ges/Wit mühe geen sie schwanger/vnd gebären böß-
hait/Sie brüten Basalisten Ayer/vnd wircken spin-
nenweb: Wer von jren Ayern isset/ der müß sterben/
Tertritt mans aber (das ist/so man jrer falschen lere
wider spricht) so feret ain Later heraus: Ire spinne-
web tang nicht zün Klaidern/vnnd ire gewirck tang
nicht zür decke/ Dann jr werck/ ist ain vnütz werck/
vnnd in jren henden ist frefel: Esaie 59.

Alch Herre/vnser missethat habens ja verschul-
det/Vnser vbertrettung vor dir ist zünil/vñ vnse-
re sünd wenden dein angesicht von vns/Wir har-
ren auffss Liecht/sihe so wirdts finster/Auff den
schein/sihe so wandeln wir im tunceln/2c. Wir
harrñ auffss recht/sihe so istts nicht da/Auffss hail/
so istts ferr von vnns / Dann wir bekennen/ das
vnser abfall vnd vngheorsam groß ist/damit wir
wider dich gesündiget haben/Aber du bist doch ja
vnser Herre Christus/vnnd wir haissen nach dei-
nem Namen/verlaf vnns nicht / Amen.

Es wäre noch mancherlay bey gemeldtem Text des
Propheten zu bedencken/welchs ich euch nun ferrner in der
gnad des Herrn will befehlen/ Sonnderlich auch/ das der
König Nabuchdonesor des ersten Adlers figur in deme fürs-
treget/ Das zu gleicher weiß/wie der König dort das Volck
Gottes/nemlich die Juden/ auß jrem eigenthumb/in sein
Land versetzt vnd füret/ Also der Herr Christus nimbt vns
auß vnserm eigenthumb des flaisches/wan Er vns bekeret/

B ij

Die erfahrung
leret solliches
heit alles.

Wurm ges
wircke.

Gepeth der
kinder Gots
tes.

Esaie 59.

Die Warhait
ist dahin/Vnd
wer vom pösen
weicht/müß je
dermäs Raub
sein.

versetzt vnns in sein Land/ da vil wassers ist/ inns länd
der gnaden: Ja/ der König laßt vil auch in irem Land dort
bleiben/ Verbindet sie im aber mit dem Aude/ ic. Wer den
verachtet/ vber den wirdt Netz vnd Garen kommen/ vnnd
in gefanngen dahin führen/ gen Babel zum Gerichte/ ic.

Verhaissung
von Christo.

Das empfeng
nus vnnd ge-
purt Christi.

Die Himel
sart/erhöhung
vñ einleibung
Christi in got.

Matth. 13.
vom senfkorn.

Vnderschied/
des andern vñ
ersten Adams
beide nach ire
gewechse vnd
ursprung.

Darauf volget denn gar ain schöne verhaissung
im Propheten von Christo / Also spricht der Herr:
Ich wil auch ainen zweig von dem hohen Zederbaum
nehmen/vnd oben von seinem zweig brechen/vnd wills
auf ainen hohen berg pflanzen/ Nemlich/ auf den ho-
hen berg Israels/wil ichs pflanzen/das es zweige ge-
winne/vnd frucht bringe/vnd ain grosser Zederbaum
werde/Also/das allerley Vögel vnder im vnnd vnder
dem schatten seiner zweige wonen vnd bleiben mögen.

Sihe/wer ist diser Edle Zweig anders dann Chri-
stus/der anfenglich vnd ursprunglich als der ewige
Son Gottes/von Gott seinem Vatter außgangen/
vnd von dem hailigen geblüt der außewelten Patri-
archen vnd Propheten (das ist/von Maria der hoch
begnadeten Jungfrawen.) mensch ist worden: Dise
hailige Vätter waren die Zweige des hohen Ceder-
baums (Dann auß Got waren sie geporn.) von wel-
chen der Edle Zweig des Herrn gebrochen/vnnd auf
ainen hohen berg gepflanzet/ vnd ain grosser Ceder-
baum ward: Solcher Zweig vom hohen Cederbaum
vnd seinen obersten Zweigen gebrochen/bedeutet Chri-
stum den menschen/ den Zweig der gerechtigkeit/den
außewelten Sprößling des Herrn/welchen Got der
himlisch Vatter auf ainen berg inns Reich der Him-
mel vnd auf den hohen berg Israel/in die Christliche
Kirche pflanzet / ir zum haupt vnnd Herren gibt/
Darauf denn vil Früchte kommen/ Ja/es wirdt als
denn der hohe Zweig/auf den hohen berg gepflanzet/
Wenn

Wenn der Edle mensch Christus/ das Himlische we-
sen ganz erraicht/vnnd in Gott versetzt/Gott einge-
leibt/vnd mit der Clarhait vnd salbung des heiligen
geistes/ ganz wirdt vergottet: Also denn wirdt er zu
ainem grossen Cederbaum / das ist auch nach seinem
menschen/Gott auß Gott geborn/welche seine Got-
werdung Er / der Herr Christus / in den folgenden
götlichen wercken/genügsam außweiser / Das nem-
lich allerlay Vögel/allerlay Geschlecht der menschen
vnder im vn vnder dem schatten seiner flügel (welchs
nichts anders dan götlicher schirm/Erafft vnd macht
ist.) sicher wonen vnd bleiben.

Darauf volget denn weiter von zwayen Beümen/
im Propheten/von dem hohen grünen/vnnd dem ni-
drigen durren Baum/durch welche die Zwene Adam/
der erste vnd der leste/jeder nach seinem ersten stande/
Als nemlich/Adam in der höhe/vnnd Christus in der
ernidrigung möcht bedeütter werden: Dann wie sich
der erste Adam/der nach den Engeln die Edelste Cre-
atur Gottes war (ja wie alles flaisch hoch vnd grüne
in seinen sinnen auch noch heüte ist.) wider Gott in
hoffart außlaint/vnnd im vngheorsam ward / Also
hat dagegen Jesus Christus in demüt/nidrigkeit vnd
in allem gehorsam Gottes seines Vattern / bis zum
tode gewandelt/ Das Er auch seines Creüzes vnnd
schmehlichen todes halben/ob Er wol vor Gotte das
ainige grüne holz war/ Luc. 23. Esai. 53. dannocht
in der zeit seiner dispensation/ainem durren/verach-
ten Baum/mocht vergleicht werden/So wol/als Er
von den Juden darfür ward gehalten / Vnnd wie
Esaias sagt / als ain Wurzel auß durrem erdtreich
gestalt war / Er hett kein ansehen noch schöne/ zc.
Er war der aller verachteste vnd vnwerdeste / voller
schmerzen vnd Franckhait.

Von Zwayen
Beümen/dem
grünen vnnd
dem durren.

Gegensatzung
Adam / vnnd
Christi.

Christus im let-
ten/ ain dür-
rer Baum/vor
den augen der
welt.

Adam. So wirdt nun der hohe Baum/der erste vnnnd alte Adam vnd alles flaisch seiner siind halben vor Gott genidriget/ verdammert vnnnd gekrümnet/ das kein mensch vor seinem Götlichen Gerichte besteen kan/Vñ wir alle von dem erstlich hohen/aber nun ernidrigten Baume dem Adam/seiner übertrettung halben/ Ja sambt jm/ain dürres vermaledeits holz/ain holz vñ baum/so zu nichts dan zum feure taugt/worden seind/ (welcher Baum allain durchs feur/zu ainem hellen glanz worden/vñ wider zur herrlichkeit mag komen.

Was wir vnd
alles flaisch in
Adam werden.

Also sagt auch Esaias: Das alles flaisch ist wie gras/ vnnnd alle Herrlichkeit des menschen wie ain Blume des gras: Das Gras ist verdorret/vnnnd die Blume abgefallen/die Herrlichkeit ist dahin/ etc.

Christus. Dagegen aber wirdt der Erst genidriget Baum/ der gecreuziget Christus / durch sein auferweckung von den todten/vnnnd lebendigmachung im gaste/in alle Götliche höhe erhöhet/ die dürre des leidens vnd alle schmach vnd vnfruchtbarkeit/wirdt von jm genommen/nach dem er gecreuziget ist/auf der schwachheit / vnnnd lebet auf der krafft Gottes / das Er nun ganz grün vnd vollkommen gemacht/voller Bletter/ äste / vnd Früchte worden / Darvon allerlay Vögel/ die sich mit den Flügeln des glaubens/auf disen Baum erschwingen/volle immerwrende setzigung vnd das Götliche leben mögen haben: Vnder welches Esten vnd schatten/sie ewigklich sollen wonen vnd bleiben.

Das Holze
des lebens.

Der New
Mensch.

Es ist der ainige von natur gute Baume/durch welchen vnnnd auf welchem alle andere fruchtbare Bäume/das seind die Newen widergepornen menschen/ die durchs feur geleutert werden/in Christo wachsen/ der Bletter nicht verwelken/noch ire Früchte verfaulen/Vnnnd werden alle Monet newe Früchte pungen: Dann

Dann jr Wasser fließt auß dem Hailigthumb: Welcher Beüme fruchte denn auch zur speise dienen/vnd ire Bletter zur Ergney: Ezechiel. 47.

Also haben wir in der gnade des Herrn/ain wenig vom Geistlichen verstande vnd Propheceyung des 17 Cap. Ezech. Nemlich von den zwayen gar vngleichen grossen Adlern vnd Königen / dem Himlischen vnd Hellschen/Christo vnd dem Antichrist/von iren Fettichen vnd außbraittung des ainen zum hail/ des andern zum verdammus: Item auch von dem Samen vnd Weinstock/ den der himlische Adler Christus/in die nidrige gepflanget/ welchs die Christliche Kirche ist/vnd wie sie nach der eüsserlichen samlung vnd ansehen dem ersten Adler irem Herrn vnd pflanzer Christo ist empfallen/vnnd sich zum andern / das ist/zum Antichrist/vnder seine Flügeln/zu irem grossen schaden vnd verderbnuß hat gesellet vnd gehalten/ Da der Weinstock seine gewachsene Reben vnnd bletter/das ist/den eüsserlichen Gottes dienst/schmuck Sacrament/Predig(Ceremonien/Schlüssel/vnd der Kirchendienst/im mißbrauch/vnd nach der menschen gefallen gegen im außgestreckt) daher dan seine wurzel außgerottet / das ist/ der grund der Kirchen/ Jesus Christus/mit seinem erkandnus/hingenommen/vnd verdunctelt/darauf die Früchte abgefallen/vnd alles gewechse/ das nicht wider zu Christo kret/muß verdorren.

So haben wir denn auch beschließlich/vonn Zwayen Baumen / vnnd irem Gewechse vnd Samen/ Als von dem genidigeten vnd erhöchten Baume/das ist/von den zwayen Adam/ irem Stannde vnd all irem Gesip vnnd Nachkömlingen / Davon lese man nun weiter/Rom. 5. 1. Corinch. 15. Matthei 12 Cap. Darbey

Summa.

Darbey dann der vrsprung des Cederbaums von der
höhe/vnnd wie er wider auf die höhe ist gepflanztet/
auch zur eeren Christi / mit richtigem vrtail soll be-
dacht werden.

Feldbeüm.

Item/was Got durch die Feldbeüme mainet/da er
spricht: Es sollen alle Feldbeüme erfahren/ daß ich der
Herre/ den hohen Baum genidriget/vnnd den nidri-
gen Baum erhöhet habe/ Welche freylich/ob es wol
auch Beüme/so wol als der Cederbaum seind/ Seind
sie dannoch dem grossen Cederbaum Eaines wegs zu
vergleichen/ Drumb so haissens Feldbeüme: Christus
aber ist auch anfenglich der oberste Zweig/von ai-
nem hohen Cederbaum/vnnd dartzu auf ainen ho-
hen berg gepflanztet/ja zu ainem grossen Cederbaum
von Gott seinem Vatter gemacht worden / da Er
spricht / Ich der Herre rede es / vnnd thue es auch.

Sollichem ainigen Herrn dem Vatter/vnd dem
Süne/mit dem hailigen Gaiste/sey ewi-

ger Triumph / preiß vnnd Ehre/

Per omnia secula seculorum,

A M E N.

C. S.

E

Ein klaine Anweisung/ zum verstand der Propheten.



Die heiligen propheten des 1
Alten Testaments/ weissagen vō
Christo/ vnd von seinem Reiche/
Volck vnd wolthaten/ vnder
dem Namen vnd figur oder für
bilde des Jüdischñ Volcks/ desselbigen Königen/
Königreich/ zc. vnd aller seiner zugehörung.

Wer nun im Newen Testament die Prophe- 2
ten recht versteeen will/ der müß etwas von Chri-
sto vnd von seiner verhaissung glauben vnd wis-
sen/ wie es vns denn durchs Euangelium ist ver-
kündiget worden/ so wol als zūvor im Alten Te-
stament verhaissen.

Christus ist komen zu sūchen vnd selig zu mach 3
en das verloren war/ Luc. xix. Er ist kommen/
auf ainem alten Menschen ainen newen zu mach
em: Er ist kommen/ aines Menschen Kind wor
C

den/Auf das die Menschen/so in in glauben/Eine
der Gottes werden.

4 Von solchem/sagen die Propheten/Nemlich
von Christo dem verhaissenen Messiah oder Kö-
nig vnd Herrn aller dinger / Durch welchen alle
menschen/so ihne im glauben wurden annemen/
von sünden erlediget/Aller himlischen Güter vnd
des ewigen lebens teilhafftig werden.

5 Darumb ist beym lesen der Propheten von nö-
ten zu wissen/Am erst/Was der mensch von na-
tur sey/Der alten gepurt warzunemen/durch wel-
che wir inn sünden empfangen vnd geporn wer-
den: Psal. ij. Vnd deshalben für Gotte nicht als
laine vndüchtig vnd kain nütz/Sonder auch ver-
maledeyet / vnd vnderm gewalt des bösen geists
vnd der Helle sein.

6 Da besehet nun das Erste Cap. Esai. wie der
Prophet vber solchen Schaden klagt/vnnd das
gantz verderbnus des menschens anzeigt: Ach/
wol ein sündtlich Volckh/spricht er/ Ain volckh/
belästiget mit vntugent/Ein böser Same/ver-
dorbene kinder.

7 Leset daselbst weitter / da werden jr finden/
was wir/der ersten gepurt halben/für gesellen/
Ja

Ja arme / verdambte / ellende Sünder / Kinder
des zorns Gottes sein.

Ob nun wol solchs alles vnder dem Namen 8
des Jüdischen Volcks / von Propheten / wirdt
dargethan / So solls doch nicht allain auffs Jü-
dische Volck / Sonder auf alle natürliche men-
schen / nach dem sinn des geists / verstanden wer-
den : Dann alles / was zuvor geschriben ist / das ist
vnns zur Lere geschriben : Rom. xv.

Das ist das erst stuck / darauf inn Propheten 9
ist zumercken / welchem denn auch Gottes straff
vnd vrtail volget / Den Juden dort leiplich vnd
zeitlich in der figur / vnns aber / ja baiden / Juden
vnd pösen Christen / geistlich vnd ewig / wie jr
solchs alles im Ersten Capitel werden finden.

Darnach aber volget gemainlich die verhaif- 10
fung / gnad / vnd widerpringung / so dort durch
Christum war zugesagt / vnd nun in Christo
reichlich ist erfüllet.

Da besehet volgends / das Ander Cap. im Esa- 11
ia / wie lieblich Christus mit seinem Reiche vnd
Euangelio drinn wirdt beschriben.

Nemlich also / Das er den Armen / verlornen 12
C ij

menschen sollte süchen vnd widerpringen/ In mit
Gott versünen/ erlösen/ vnnnd selig machen: Er
solte das verirret Schaff/ auf die rechte ban/ zum
Schaffstall füren / die Blinden erleüchten/ ainen
ewigen immerwerenden Frid mit Gott vnd dem
menschen/ durch sein menschwerdung/ leiden vnd
sterben/ anrichten.

13 Da sibet man denn auch den nutz vnd Frucht
Christi vnd seiner wolthat vnd gnaden/ Ja was
das Volck seines Reichs für ain volck sey/ Vnnnd
wie sein Regiment alhie in den glaubigen hertzen
sey/ das die Christen/ fromme/ gerechte/ gotsförch-
tige leüth sein.

14 Auf ainem Sünder / wirdt durch Christum
ain gerechter / Auf ainem alten/ nichtigen men-
schen/ ain newer mensch/ der vil frucht bringet/
vnd ain kind Gottes vnd ain Erb des himels ist.

15 Da sibet man denn auch/ was die versammlung
der Christlichen Kirchen sey/ Welche nichts an-
ders/ weder das Reich Christi ist/ vnnnd wie alle
Götzen/ alle Abgötterey/ Ja alle fasche Geistliche
Bilder/ durch Christum sollten weggenommen
werden: Dañ Christus der Sün Gottes/ ist kom-
men/ die werck des Satans aufzulösen/ das al-
lain Got im glaubigen hertzen wone vnd regiere.
Aber

Vnder dem na-
men der leip-
lichen Götzen/
Werdend die
geistlichen ver-
standen.

Aber es ist auch zuvor langest Propheceyet vnd 16
figurirt / das die Kirche wurde abfallen / vnd
der Antichrist dieselb an Christus stat einnehmen
vnd regieren / Davon auch Esaie am Dritten:
wie es laider nun ist geschehen vnd erfüllet.

Inn Summa / Zum verstand der Propheten / 17
will der Geist des Herrn vnd ein Geistlich vrtail
gehören / Dadurch man vnder der figur vnd
fürbildungen der leiplichen dinger / des Alten Te-
staments / alles Geistliche / was zum Newen Te-
stament gehöret / Das ist Christus mit seinem gei-
ste / reich vnd wolthaten im Lichte Christi
kan erkennen / versteen / vnd auß
der figur / die warhait ab-
nehmen durch den
Glauben.

¶

C. S.

C ij

Auslegung des Spruchs/

Zu Gal. am Fünfften Cap.

Wir aber harrñ der
Hoffnung der Gerechtigkeit /
im Geiste / auß dem Glauben.

Worte.
Wir aber har
ren der hoff
nung der ge
rechtigkeit im
geiste / auß de
glauben.
Leset.

Wein dienst vñnd
alles güts beuor: Nach dem
ir mir zween ort oder Sprüche / in
Heiliger Schrift aufgelegt / zuer dolmetzen vñnd
aufzulegen: Der aine ist / zu Galatern am Fünfften:
Wir aber im Geiste / auß dem glauben / der hoff
nung der Gerechtigkeit gewarten: Oder / Wir
aber im geiste (durch den geist) auß dem glauben /
gewarten ainer hoffnung der gerechtigkeit / &c.
Der verstand ist auß den hendeln der Epistel zuer
steen / In welcher Paulus auch wider dise streitet /
welche die Gerechtigkeit auß des Gesetzes / vñnd iren
Wercken zuerlangen vermainten / Vñnd schlecht inen
ir

ir bedencken gar hinwegt/Spricht alhie zuuor: Ir seit
von Christo abgetilget/abgesondert/ Ir alle/die ir im
Gesetz wöllet gerecht werden/Sücht darinne verge-
bung der sünden/gerechtigkait vor Gotte / vnd Got-
tes/ Ir seyt von der gnaden abgefallen / Bey vnns
aber steet es also/ Das seitemal vnns Gott der Herr
seinen geist gegeben/ vnd darinnen ain geschäncke/
das ist/ den Glauben / one werck des Gesetzes / vmb
sonst gnedig/ So hoffen wir auß diser Maisterschafft
des Geists Gottes/ ja auß dem Glauben vor Gott ge-
recht zu werden. Der Geist Gottes/vnns gegeben/le-
ret vnd vergwisset vnns/das es also zügeet/ So fasset
der Glaub solche gerechtigkait Gottes / macht sie im
aigen/besizet sie.

Nach dem aber der Glaube ist ein vnder/nach/oder
mitwesen der ding/die man hoffet/vnd die gerechtig-
kait Gottes in diser zeit nicht erschinet/nach dem glei-
bigen in die hand wirdt gegeben/Sonder auf beque-
me zeit wirdt behalten / So hoffet vnd harret der
Glaube solcher Gerechtigkait/der er doch bey ihme/
auß des Geistes maisterschafft gewiss ist/als hett er
sie schon empfangen: Was der Glaube gleübet/das
hoffet die hoffnung / Ja der Glaube hat die hoffnung
zum gesellen/in welcher er des harret/das er bey ihme
schon gewiss hat vnd besizet / der Glaube hat es er-
griffen/ So es aber alhie nicht ganz gelaistet/harret
er des/Vnd der gleübige treget geduldt darüber/bis
er es zu bequemer zeit habe/halt/vnd ewig möge für
sein eigenthumb besizen: Hat vns Got der Herr den
glauben gegeben / So seind wir gewiss/ er werde vns
vor ime/durch Jesum Christum hailig/ gerecht vnd
from darstellen.

Zun

Substantia
hypostasis.

Zün Römern am Achten Cap. sagt Paulus: Inn
der hoffnung seind wir selig / vnnnd vnns ist geholff
fen: Wir seind selig / aber in der hoffnung/ Die selig
keit ist noch nicht ganz an vns angelegt/ noch offen
bar/ Aber wir hoffen sie genglich zuerlangen/ Werten
wir sie inn henden/ so wer die hoffnung auß: Seite
mal wir aber hoffen/ so harren wir sein/ durch tragen
vnnnd dulden. Wir seind gerecht/ Aber nach der hoff
nung / Drumb haren wir vnnnd dulden/ bis das ge
schehe das wir hoffen: Tit. 2. Auf das/ so wir gerecht
gemacht seind/ durch seine gnade / erben werden mö
gen/ nach der hoffnung des ewigen lebens: Wir seind
erben des ewigen lebens / Sonder nach der hoffnung
ge: Dann das Erbe wirdt vns fürbehaltten im him
mel: 1. Pet. 1.

Also hoffen wir zu gleiche der Gerechtigkeit Got
tes/ haben diser Hoffnung grunde/ den Geist Gottes/
vnnnd den Glauben/ der ain gabe ist des Geistes. Auß
dem Glauben kombt hoffnung/ vnnnd sie baide kom
men vom Heiligen Geiste / Der zu hilff kombt / vn
serm vnuermögen / Vnnnd vergwisset in ihme/ durch
den Glauben/ vnns aller dinger / die wir in ime gläu
ben / Vnnnd haben aber in der Hoffnung/ jr harren
vnnnd mit geduldt erwarten müssen.

Hoffen die
gerechtig
keit gottes.

Die mit wercken umbgeen / das Gesetze zu ihrem
grunde stellen/ die sūchen vnd hoffen dadurch gerecht
zuwerden/ Das ist aber vergebens / Darumb wir im
geiste durch den glauben harren der hoffnung der
gerechtigkeit Gottes/ welcher wir im Heiligen Geiste
auß dem glauben vns trösten/ endlich vnd gewis zu
erlangen. Der Glaube macht vnns gerecht/ Er muß
aber in der hoffnung sie erwarten / vnnnd Geduldt
darüber

drüber tragen/ bis er sie/ wie er glaube / gantzlich ein-
nemme.

Bedencke am ersten / die art des Glaubens vnd
der Hoffnung / der Glaub besiget es : Er sihet vnd
versteet im liecht des hailigen geistes / wie er endelich
der gerechtigkeit Gottes soll geweret werden / durch
Jesum Christum / der vnns worden ist zur gerechtig-
keit / r̄c. Aber es geschihet nicht bald mit der that:
So volget die hoffnung / in welcher er harret / vnd
warttet des / so er glaubt.

Darnach besehet / was Paulus in der Epistel han-
delt / Traget sie mit Gepeth zusammen / so werdet jr
nicht allain dise Sprüchlen / Sonder die gang Ep-
stel versteen . Man versteet ainen Spruch leichter im
ganzen Büche / Capitel / Epistel / So man das
da vorgeet vnd folget / mit den vmbstenden
wol besihet / dann wann man ihu
aussen gannzen zwackt /
vnd sonderlich will
handeln.



D

Auslegung des Spruchs/

Zün Hebr. am Dritten Cap.

Dann wir seind
Christi teilhaftig worden.

Solchs thüt auch
beym andern Spruch/zün
Hebreern am Dritten. Dann wir
seind Christi teilhaftig worden.

Gesell: Wir seind Christi mitgenossen / Christi gesellen
schafter. worden/gewest. Wir seind mit Christo teilnehm-
mer worden. Wir seind der Götlichen Schätze
vnnnd Güter Christi/ die Christus hat vnnnd ist/
teilnehmer vnnnd mitgenossen gewest/ So wir
den anfang des vnder / nach / oder mitwesens
(Christi) bis anns ende bestendig behallten/ &c.

Erstlinge des
geistes. Ro. 8.

Das wort Hypostasis, macht wes mehr bedenkens:
Aber im grund/ wirdt Gott geben/ das mans möge
vernemen

vernemmen. Alle Christen vnnnd gleübige/ seind tail-
hafftig der Götlichen Natur vnd wesens durch Chri-
stum: 2. Petr. 1.

Sie seind Christi miterben/ vnnnd Erben Gottes/
aus Gott geporn: Leben auß ime / werden von ime/
mit dem teglichen Brot/ der Kinder Gottes/ teglich
gespeiset. Sie werden alle mit dem öle der freunden Aaron
gesalbet
vnd frolocken/ damit Christus erfüllet/ gesalbet/ Das
ist/ Inen allen/ ist je geschencke gegeben / des heiligen
geistes / der mit Christo vnnnd dem himlischen Vatter
ein Gott ist / Des das Götlich wesen auch aigen als
gemain ist. Christus ist heüt nicht anders/ dann das
da Gott ist/ im Götlichen wesen vergottet: Das we-
sen tailt Christus den seinen mit/ im Heiligen Gei-
ste/ der das auch ist/ nach dem wesen / das Christus ist
in Gotte/ dauon die glaubigen/ Christen/ Das ist/ ge-
salbte haissen/ Seind also mitgenossen/ gesellen/ tail-
nemmer mit Christo/ Das ist/ Sie empfahen der güte-
ter des wesens Christi/ yeglicher seinen tail/ gabe vnd
geschäncke.

Beschet was Paulus hin vnnnd wider vom Haupte
vnnnd Leibe/ von Christo vnnnd der Kirchen schreibet/
So werdet jr sehen/ daß das Haupt Christus / in alle
le Glider seinen einfluß ergeüßt/ Also/ daß sie alle der
Natur vnd des wesens des Hauptes/ tailhafftig wer-
den/ vnnnd geniessen/ Wie alle äste des Baums/ Auch
die klainen / die jungen mit den alten vnnnd grossen/
der Fruchtbarkeit der Wurzel geniessen / vnnnd da-
von grün behalten werden. Leset Johan. am 15.
vom Weinstock vnnnd den Reben.

Bey Gott/ vnd Gott in der gedritten einigkeit/ ist
ein ainfeltigs wesen: Dises wesens Gottes / nemmen

D ij

die gleübigen/ ain jedelicher seinen tail / durch Christum/im Heiligen Geiste / der nach seinem Götlichen wesen/ nichts anders ist / dann Christus/ Auch durch jnen vnd vmb seiner willen wirdt gegeben. Wa nun der Heilig Geist hin geschenckt wirdt / vnd kommet/ da ist Christus nach seinem wesen/ Gütern/ Reichthumb / wolthaten / blüt vnd flaisch / nach ainfeltigkeit des Götlichen wesens / daß da Christo vnnnd dem heiligen Geiste/mit Got dem Himlischen Vatter gemain vnnnd auch aigen ist.

So nun die Christen des Götlichen wesens vnnnd reichthums teilhaftig vnd mitgenossen/ mitgesellen werden/dasselbige im heiligen geiste/so wol in gnedigem geschenck haben/als Christus in der völle / So seind sie Christi mitgenossen/Nemmen durch jn / mit ihm/tail der Götlichen Natur/ wesens/substanz/Haben mit Christo recht vnd tail an Gotte/vnd was da gottes vnnnd Gott ist/ Das geschihet im Glauben/der ein geschäncke ist Götlicher Natur/Götlichs wesens im grunde vnnnd ankunfft: Die gleübigen aber seind teilnehmer/Parteckten vnd stucktrager götlichs wesens/Die völle hat Christus/darauß sie alle schöpfen.

Solch gnedig geschenck oder tail des wesens Christi/haist Paulus alhie den anfang des vnderwesens Christi. Christus/ wie gesagt/ist/die völle des götlichen wesens: Es ist sein ganz vnd aigen/Auch wegzugeben/vnnnd einzugeben/wem er will/ So wol/als es ihme mit seinem Vatter vnnnd dem gemainen Geiste auch gemain ist/ Dann es ist nur ain ainfaltiges wesen Gottes / daß da außgetailt wirdt / vnnnd bleibet ganz/one abgang vnd minderung/ Sonder allweg gleich vnd einig.

So nun die Christen / welche Christi vnnnd des/das
Christus

Christus ist/ teilgenomen/ mitgenossen worden/ solch
anfänglichlich teil/ das da des wesens ist / das da Chri-
stus ist/ das ist Göttlich/ behalten/ bestendig bis ans
ende/ So werden sie darinnen erhalten: Dann diser
anfang/ wechset bey jnen teglich/ zu ainem vollkommenen
Mann: Ephes. am 4. vnd werden erfülle/ zu aller
völle Gottes.

Durch solche teilnehmung/ wonet auch Christus in
herzen der seinen: Dann sie haben geschencke seines
wesens. Wa nun das wesen Christi ist/ da ist auch Chri-
stus/ der von seinem wesen nicht mag geschaiden sein.
Das geschihet aber im glauben/ im heiligen geiste/ im
geschencke der gnaden Jesu Christi: Dan dieweil das
wesen Gottes ein einfältig/ einig/ bestendig wesen ist/
Also/ das in Gott nichts ist dann Got/ Auch Got vnd
sein wesen ganz Gott ist: Thut Got yemands gnade/
So teilet er mit jme sein wesen/ vnd das er ist: Geschi-
het das/ so mag Got von seinem wesen vnd das er ist/
nicht gesondert sein/ Sonder ist alda/ da sein wesen ist/
das da mit jme eins vnd einig ist: Johan. 14. Wir wöl-
len zu jme Kommen/ vnd Wohnung bey ihm machen / So
wonet Got in allen gleübigen/ die seines wesens seind
teilhafftig worden/ Vnd sie wonen/ leben vnd wesen
in Gott / Sterben im Herren / Der Herr aber stirbt
in jnen nicht/ vnd erhelle sie zum ewigen leben / des
sie einen vorschmack empfangen hatten.

Ist aber yemands der Gnaden Gottes vnd
solches geschencks teilhafftig worden/ ver-
achtet es aber/ behelt es nicht/ wirdt
des vnwürdig/ ꝛc. der mag
nicht genesen/ noch
selig werden.

D iij

Unser Herr Ihesus

Christus / wolle vnns alle / zu seinen
Mitgenossen machen / Vnd die / so
er angenommen / zu Aiterben / ir ge-
schencke vnd gnade meren / behalten /
vñ zu seinem preisz vberal beschützen:

A A E N.

V. C. S.

[Faint, mostly illegible text, likely bleed-through from the reverse side of the page.]

[Small decorative mark or initials.]



[Faint, illegible text, likely bleed-through from the reverse side of the page]



AB 155 334


ULB Halle
002 703 637


3



58 154







Auslegung/

ibenzehenden Capitel/
Propheten Ezechiels.

Item/

weisung zum verstand
der Propheten.

Item/

legung Zwayer Sprüch Pauli/
in Galatern am fünfften/
Vnd/
Hebreern am Dritten Cap.

C. S.

